



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XII. Articuli de Ordinis Sacramento minoribus Theologis propositi.
Leges ipsis praescriptae in rerum ac temporis partitione. Sententiae
Salmeronis, Soti, & Cornelij. Quaestio orta: Num Episcopi ...

urn:nbn:de:hbz:466:1-11718

quemadmodum palam fiet. Interim ad rerum seriem reuertamur.

15 Legati responsis acceptis contenti^m, & quæ festinè atque arcane in opus incubuere, nec necesse illis fuit integrum Cæsaris volumen in conuentu recitare, nec ibi publicum habere delectum eorum, qui illud expenderent; sed absque strepitu, & reliquis insciis, rem Simonettæ de more commiserunt, adiectis quatuor solūm ministris, ad huiusmodi negotia adhiberi solitis, qui fuerunt Castanea, Boncompagnus, Paleottus, & Castellus. In his nec mentis vigor, nec prudensia, nec fides desiderari poterat; ex quibus postrema dos ut maximè necessaria est, ita difficillimè dignoscitur, adeoq; raffissima est, si non reipsa, opinionis certè firmitate. Et iam post multa consilia animaduersionesque, Legatis in promptu erant res publicè proponendæ Patribus & Oratoribus tam expedita, aut saltem postulata morum correctione: cùm omnes homines ad illicius curandæ laudem aspirent, complures ad uitilitatem, quod ab aliis obseruetur; pauci ad præstantiam, quod in seipsis eluceat.

C A P V T XII.

Articuli de Ordinis Sacramento minoribus Theologis propositi.

Leges ipsis præscriptæ in rerum ac temporis partitione. Sententia Salmeronis, Soti, & Cornelij. Quæstio orta: Num Episcopi superiores sint Sacerdotibus Iure diuino. Cura Legatorum in ea restinguenda, ne altera de mansione resurgent. Obiectæ ad id difficultates. Tria excogitata consilia, quod altera præcideretur.

Quanto acrius Oratores, impulsis ad aliud opus Patribus, moras interponebant dogmatum definitioni, tantò maiori studio Præsides eam solicitare conabantur, satis gnari, ante ipsius confectionem non posse nisi violentâ morte consilium solui, at post illam, ex arbitratu, non ex necessitate duraturum. Quapropter eodem die, quo aduenerant Oratores dilationem petituri, Legati minorum Theologorum studio commiserant septem nouatos artículos de Ordinis Sacramento, & hi fuerunt:

4 18. Sc-
piemb. vrin
Actis Arcis
Romanæ

1. Ordinem non esse Sacramentum, sed certum quemdam ritum eligendi & constitueri ministros verbi & Sacramenti.
2. Ordinem non modo Sacramentum non esse, sed esse quamdam fictionem humanam, excogitatam ab hominibus rerum Ecclesiasticarum imperitis.

Pars III.

A a

3. Ord-

1562. 3. Ordinem unum solum Sacramentum non esse; & Ordines infimos ac medios non tendere tamquam gradus ad Presbyteratum.

4. Nullam esse Hierarchiam Ecclesiasticam; sed omnes Christianos aequè Sacerdotes esse: atque ad usum & executionem requiri, ut magistratus ad vocetur, & populus assentiat; eum vero qui semel Sacerdos fuit, posse laicum euadere.

5. In novo Testamento non esse Sacerdotium visibile & exterius, nec ullam spiritualem potestatem siue ad consecrandum Corpus & Sanguinem Domini, siue ad offerendum, siue ad absoluendum à peccatis coram Deo; sed solum munus ac ministerium prædicandi Euangeli, & qui non prædicant, absolute Sacerdotes non esse.

6. Vocationem non modo non requiri ad Ordinum collationem, sed perniciosa & contemnenda esse; similiter & cunctas reliquias ceremonias: & per Ordinationem non dari Spiritum Sanctum, ac proinde frustra Episcopos in ea dicere: Accipite Spiritum Sanctum.

7. Episcopos non esse Presbyteris superiores, nec habere potestatem ordinandi; vel si eam habent, esse illis cum Presbyteris communem, & Ordines ab ipsis collatos sine consensu irritos esse.

In gratiam breuitatis, quæ non modò parcit tempori, sed offensicula minuit, adeoque vim habet ad expedienda negotia non majori solùm numero, sed meliori etiam exitu, duo sunt præscripta^b: alterum, Ut non omnes Theologi de omnibus articulis differenter: sed qui differenter, in sex classes diuiderentur, quarum quælibet ex omni Theologorum genere constaret, hoc est, ex Pontificiis, ex missis ab aliis Principibus, ex Regularibus & non Regularibus, ex Italisch & Transmontanis; atque ut proprium illius classis munus esset adhibere studium, ac loqui super articulis ipsi destinatis.

Alterum fuit, singulis in dicenda sententia iterum claustra figere semihoræ, quod spatium capax censebatur omnium quæ ad rem facerent, vbi omnia inutilia resfarentur. Atque ad id inculandum Præsides mouerat responsum à nobis memoratum Pontificis, qui festini exitus appetens, questus fuerat, suos Theologos præscriptis ad id legibus restitisse. Sed per hæc omnia effectum non est, vt ea temporis præscriptio custodiretur. Etenim nec dicturi sententiam æquo animo patiebantur, laboriosissimos charifissimosque ingenij partus silentio suffocari; nec Legatis, vbi ad opus deuentum est, placuit signum edere, quo argueretur, in ipsis aut audiendi latitudinem, aut festinationem absoluendi præposse studio exacte perpendendi cælestium mysteriorum sanctiones.

^c Extant cuncta in Dia-

Primus vniuersalis Theologorum cœtus die 23. Septembris^e habitus

bitus est. Interfuere Legati, Oratores Cæfarei, Gallici, Lusitanus, Veneti, & Heluetius, tres Patriarchæ, duo de viginti Archiepiscopi, centum quadraginta sex Episcopi, duo Abbates, quinque Regulare summi Moderatores, octoginta quatuor Theologi, complicesque Doctores ac viri nobiles cum plurima aliorum frequētia. Verba fecerunt de primis tribus articulis, primæ Theologorum classi destinatis, tres ex ipsa, Alfonso Salmeron, Theologus Pontificius, Ferdinandus Bellosilius, & Didacus Payua, vterque Clericus sacerdotalis, missi alter à Philippo, alter à Sebastiano Rege. Salmeronis oratio in Diario recensita, fuit huiusmodi: Sacrificium ac Sacerdotium non solum inter se connecti, sed sciungi non posse, ad eoq[ue] alterius doctrinæ doctrinam alterius meritò succedere. Lutherum ad euertendam Ecclesiam negasse Ordinem Sacramentum esse. Ordinis nomine varia significari; modò rerum dispositio- nem, quemadmodum illud usurpat S. Augustinus lib. 19. de Ciuitate Dei; modò gradum eminentem in Ecclesia: ita distinguimus à Diaconatu Presbyteratum, & ab hoc Episcopatum: modò cæremonias, per quas confertur potestas in eadem Ecclesia, sicuti definiuntur à Magistro Sententiarum. Ordinem secundum hanc postremam significationem esse Sacramentum, aduersus quām in primo articulo affirmabatur. Fuisse institutum à Christo, ex doctrina sanctorum Patrum, & declaratione anteaetæ Sessionis, illis verbis, à S. Luca relatis capite 22. *Hoc facite in meam commemorationem:* & in iis adhibitam à Christo fuisse peculiarem cæremoniam, vt Cajetanus explicabat. Alteram potestatem impertitam fuisse à Redemptore Apostolis tamquam Sacerdotibus, cuius meminit S. Ioannes capite vigesimo, cum impressione characteris, vsuque peculiaris cæmoniæ, dum sufflavit in ipsos; quā sufflatione illis eam potestatem impressit, ex Augustini sententia; & hanc esse potestatem in corpus mysticum Christi, sicut altera est in corpus verum. Denique cùm id peregit, quod habetur in postremo capite S. Lucæ, ubi dicitur, *Eduxit eos foras, & benedixit eis,* fuisse à Christo constitutos Episcopos, quod affirmant S. Augustinus, & Clemens Romanus in libro octauo Apostolicarum traditionum; atque id etiam argui, quoniam cùm eos ad Euangelium prædicandum Christus mitisset, oportebat ut nouam ipsis auctoritatem daret, & hanc esse Episcopalem; ac proinde in præsentia cùm Episcopi creantur, ipsis diei: *Ite ad prædicandum.* Præterquam quod cùm eos Christus benedit, infusam illis fuisse quamdam gratiam, maximè additâ manuum elatione.

Aa 2

Palam

1562.

Palam etiam fieri, Ordinem esse Sacramentum in Diaconatum in sexto Actorum dicitur: *Non est aequum nos relinquere verbum Dei, &c.* in quo loco discernitur integra Diaconi creatio cum ceremonia & impositione manuum, vnde impressa fuit gratia, ut constat de Stephano, de quo legitur, *Erat plenus Spiritu Sancto, & predicabat*. Idque confirmavit variis S. Pauli dictis ad Timotheum & Titum: Diaconos non institui ad ministrandum, sicuti volebant haeretici, mensæ terrenæ, sed cœlesti: siquidem quod destinarentur ministerio terrenæ, opus non erat, ut qui Ordinem conferebant, ieunarent, eisque manus imponerent, & ut iij Diaconi Spiritu Sancto replerentur. Electos itaque fuisse Diaconos illos ad Eucharistiam ministrandum; quod declarabant Clemens, Euarius, Ignatius Martyr, Cyprianus, Hieronymus, Synodus Neocæsariensis, & Beda. Et quamquam quidam Canones sexti Concilij eorum institutionem referant ad ministerium viduarum mensis præstandum, eos Canones ab Ecclesia non fuisse receptos. Idem ille de Episcopatu stabiluit: Etenim simile ieunium ac manuum impositionem leguntur in Actis Apostolicis usurpata erga Paulum & Barnabam, dum instituebantur Episcopi, iis verbis: *Ite, predicate*: & postea narratur, per ciuitates constitui ab ipsis presbyteros, quod Episcoporum munus est. Probavit, Ordinem esse Sacramentum effato S. Pauli ad Timotheum: *Noli negligere gratiam, quæ in te est, & qua data est tibi per prophetiam cum impositione manum Presberty*. Et ad eundem: *Ut resuscites gratiam Dei, quæ est in te per impositionem manum mearum: at nemini citò manus imponas*. Idem corroborauit traditionibus Concilij IV. Carthaginensis, Florentini, & Tridentini sub Paulo, Clementis, Innocentij Primi, Gregorij, & Innocentij III. Pontificum, SS. Dionysij, Augustini, & Hieronymi.

Ostendit postea variis testimoniis, per collationem Ordinis imprimi Characterem. Ut euinceret Ordinem non esse meram electionem ministrorum verbi, sicuti dicebatur in primo articulo, aut fictionem humanam, sicuti in secundo, sed esse Sacramentum, & Characterem impressum ab Ecclesia ex diuina facultate, quartum articulum ingressus est, tertio reliquis suæ classis relicto; confutavitque eos, qui dicerent, Presbyteros ac Diaconos à laicorum magistratu posse constitui, cum eorum potestas naturam supereret, spectetque ad munus pascendi, quod Petro commissum est; atque idcirco id interdictum fuisse populo in octavo Concilio in Laterano, & in Florentino. Quod si quando eos elegerat populus ex concessione Apostolica, id peractum sicuti Petrus dixit, *Eligite inter*

viii.

1562

vos. Et alibi; *Vt habeant bonum testimonium.* Populum igitur adesse electioni, & testimonium ad electionem proferre; id verò siebat quò libentior obtemperaret, sed vis confirmandi penes Ecclesiam solum erat.

6 Insumpto biduo à Theologis primæ classis in dicenda sententia, datus est loquendi locus secundæ classi, in qua primus erat Petrus Sotus Dominicanus, Theologus pariter Pontificius: dicta ab illo de quarto & quinto articulo in Diarium quoque relata sunt, quorum hæc summa: *Eſſe in Ecclesia Hierarchiam, nimirum, potestatem ac prærogatiuam gubernandi, dicente Apostolo: Obedite Præpositis vestris. & alibi: Attendite vobis, & uniuerso gregi, in quo vos posuit regere Ecclesiam Dei.* Explicari hanc Hierarchiam à S. Dionyſio; eam videlicet esse sacrum quèmdam Principatum ex imitatione cœlestis. Quemadmodum ille in tres Angelorum gradus est partitus; ita quoque hanc diuidi in Episcopos, in Presbyteros, & in Ministros, sicut exponit idem Dionyſius, præfertim capite tertio & quinto, ostendens, quo pacto inferiores etiam Ordines ad eiusmodi Sacramentum pertineant. Cum his consonare quæ pronuntiauit Apostolus: *Ad consummationem Sanctorum, ad opus ministerij, quosdam quidem dedit Apostolos, &c.* non igitur Christianos omnes esse Sacerdotes, sicuti continebatur in articulo expenso. Nihil his obſtare ea sancti Petri verba, quibus appellat cunctos Baptismo ablutos gentem sanctam, Regale Sacerdotium; ibi enim sermonem esse de Sacerdotio mystico ac spirituali, non de proprio & corporali. Baptismum esse Sacramentum quo renascimur, non quo potestas nobis confertur. Atque ut in ordine naturæ, ita in ordine gratiæ absurdum esse, ut ortus ac perfectio in vnum coēant.

7 Tum ad quintum articulum accedens, probauit variis dictis SS. Ambrosij ac Cypriani, & Nicæni Concilij, esse Sacramentum exterius, & visui subiectum; atque ad ostendendum tertium gradum Hierarchiæ, de qua diximus, obſeruauit ministeria inferiora, tametsi à Christianis omnibus aliquo pacto exerceantur, non tamen ab omnibus exerceri modo maximè legitimo & congruente, cum ad eiusmodi opera, necessaria sit potestas quædam naturam excedens in infimis etiam ministeriis; quæ potestas impertitur ab eo qui obtinet Ecclesiæ Principatum: quocircà morem hodiernum, quod infima Ecclesiæ munia exerceantur à mere laicis, haud esse laudabilem, nec primæuæ Ecclesiæ consentaneum. Ea de causa sanxisse Caium Pontificem, ne ad Episcopi munus eueheretur, nisi qui cunctos gradus ascendisset; atque ideo præscripta fuisse à Si-

Aa 3.

rício

1562. ricio Ordinum tempora. Porrò impugnaturus id quod pariter in eodem quinto articulo habebatur, Sacerdotium in Ecclesia non nisi simplex prædicandi Euangelij munus esse, ostendit, illud non ad meros Sacerdotes, quin potius ad solos Episcopos præcipue pertinere, cùm Apostolus dicat: *Dominus non me misit baptizare, sed prædicare.* Et à Christo hoc de seipso affirmari illis verbis: *Oportet me alii ciuitatibus euangelizare, ad hoc enim missus sum.* Hinc à Concilio Chalcedonensi fuisse decretum, ut Episcopi à domesticis negotiis abstinerent, ut prædicationi operam darent. Non tamen, sicuti de Sacerdotibus, postrema pars illius articuli affirmabat, eum qui re ipsa non concionatur, quod huiusmodi dote careat, Episcopum non esse, & huiusce rei exemplum extare in Valerio Episcopo Hipponeensi.

Ad quartum articulum regressus, confutauit posteriorem eius partem, quod Ordinis potestas conferri posset aut à populo aut à laico magistratu, cùm ea naturæ facultatem supereret, adeoque cum illius conferendæ facultas desit iis, qui ad id præstandum ab Ecclesia constituti non sunt. Exigi quidem ex primæua constitutione populi electionem, idque colligi ex epistola quarta S. Cypriani in primo libro, atque ex Apostolica traditione: illam fuisse veram electionem, & non simplex testimonium (aduersus quam indicauerat Salmeron) & idcirco illi clerum etiam adnecti, quod electio ab universa Christianorum multitudine haberetur. In hanc sententiam dixisse Apostolos: *Eligite ex vobis septem viros:* licere tamen summo Pontifici eam electionem populi supplere, pro eo ac opportunum existimauerit. Etenim quamvis ea eligendi ratio esset Apostolorum traditio; traditiones, quæ ad regimen spectant, esse mutabiles; at verò quæ pertinent ad Sacra menta, mutari non posse. Ac proinde pro temporum conditionibus potuisse Romanos Pontifices electiones variare, easque aut Clericorum Collegiis, aut Princibus, aut aliis concedere. Hæc summatim sunt quæ Sotus differuit.

Ex tertia classe, cui duo postremi articuli commissi fuerant, præcipue notata^d reperio, quæ Melchior Cornelius, Clericus sacerdos, missus à suo Rege Lusitanæ, disputauit. Animaduertit is, quæ continebantur in sexto articulo, vbi denegabatur Ordini effectio gratiæ, errorem fuisse Ioannis Wicleffii, aliorumque, qui ducentis ante illum annis vixerant, sicuti colligebatur ex homilia sexagesima sexta sancti Bernardi in Cantica. Dein argumenta opposita dissoluit, veritatem Catholicam firmauit testimonio SS. Leonis & Ambrosij, Synodi Chalcedonensis, undecimæ Tolitanæ,

^d Diarium,
29. Septem-
bris 1562.

aliarum-

aliorumque complurium, ac demum Florentinæ. Dixit, Ordines 1562.
 quoque minores esse Sacraenta, & effectores gratiæ constitutos ab
 Apostolis, sed ex institutione Christi, quæ hos Ordines Ecclesiæ
 præscriperat. Primam Tonsuram non esse Ordinem, cùm per
 eam nulla potestas acquiratur. De Vnctione, quæ velut inutilis ac
 pernicioſa eiusdem articuli initio damnabatur, retulit, eius mentio-
 nem fieri à Fabiano Pontifice, ac S. Dionysio, præter Innocen-
 tium III. capite primo, sub titulo *de sacra Vnctione*. Tum ad extre-
 mum articulum deuenit; ostenditque, Episcopos Presbyteris ma-
 iores esse. Respondit celebri Hieronymi dicto, quod producitur
 ab hæreticis, vbi affirmat, inter Episcopos ac Presbyteros non esse
 discrimin ex natura, sed prærogatiuam ex consuetudine; & obser-
 uauit, à S. Hieronymo variis in locis disertè affirmari, hanc præro-
 gatiuam ex institutione sua conuenire gradui Episcoporum, adeo-
 que in verbis allatis rem esse intelligendam secundū argumentum,
 de quo ibi agebatur, hoc est, secundū exteriorem iurisdictionem,
 quæ lege Ecclesiasticâ præscribitur. Probauit, Episcopatum
 esse Ordinem peculiarem, præsertim Caietani ratione, quod Epis-
 copus peculiarem potestatem obtineat administrandi Sacraenta
 Confirmationis, sacraeque initiationis, quæ sunt ordinis, non iu-
 risdictionis opera, quippe quæ Vicariis committi nequeunt. Reie-
 cit postremò quæ Sotus in Salmeronem dixerat, antiquitus eligi
 à populo Sacerdotes & Episcopos, & non simplicem testificatio-
 nem proferri: quin studuit ostendere propitiari parti contrariae
 eamdem epistolam quartam S. Cypriani libro primo, quam Sotus
 produxerat. Post Cornelium reliqui tertiaræ classis suam exposue-
 runt sententiam, usque ad secundum Octobris; quo die absoluti
 sunt minorum Theologorum conuentus, reliquis tribus classibus
 ad Sacramentum Matrimonij reseruatis.

10 Cùm Legatis videbatur itineris tam longi ac laboriosi meta à se
 penè contingi, improbusum quasi præcipitum offenderunt, ibique
 pedem figere coacti sunt, nec quocumque adhibito conatu licuit
 ipsi ad optatum exitum sibi viam aperire, nisi post tam multos,
 tamque diuturnos labores ac discrimina, ut cunctæ haec tenus obie-
 ctæ difficultates præ hac via planæ censeri potuerint. Primordia re-
 feram tam validi ac memorabilis obstaculi, quod diu fraudauit, ac
 penè in desperationem conuertit spem conceptam vniuersitatem Ca-
 tholicæ Republicæ. In articulo postremo, secundū formam
 Crescentij Legati ætate iam digestam^e, quidam error censuræ pro-
 ponebatur: *Quod Episcopi Presbyteris maiores non essent Iure diuino.*

e Litteræ Le-
gatorum ad
Borroméum,
24. Septem-
bris, & Ar-
chepiscopi
Iadrensis,
28. Sept. &
5. Octobris
sed 1562.

1562. sed Præsides postreinas voces abstulerant, veriti, ne disputatio de iure residendi iterum suscitaretur. Quidam Hispanienses illius definitionis cupidi, Præsidum arte animaduersâ conquesti sunt; adeoque Oratores Galici Præsides amicâ specie commonuerunt de murmure non modico ob eam causam excito. Ab his re dissimilatâ responsum est, visum iri breui, à se minimè declinari disputationem de iure residendi, dum eam proponerent, pro eo quod alias spoponderant, vbi de Ordinis Sacramento ageretur. Nec in eō mentiebantur, quandoquidem numquam sperauerant, se per obliuionem extincturos præteritum de illa controuersia ardorem; sed cauere studebant, ne à noua definitione super Episcoporum institutione, terminare cogerentur pari definitione præcedentem controuersiam, illi admodum adnexam; aut certè inde deducere eadem ipsa corollaria, quorum causâ ab altera se abstinuerant. Subdidit Lansacus (quod ipsis valde placuit) se parùm laborare, hoc an illo iure habeatur residendi præscriptio, dummodò reperiretur ratio ad eam firmiter obseruandam, cùm certum esset, plurima Ecclesia incomoda inde dimanare.

Vix digressis Oratoribus, superuenere Archiepiscopi Granatis, Bracarensis, Mescianensis, & Episcopus Segouiensis, expostulantes, abrasam fuisse particulam illam è Decretis Crescentio Legato formatis, ostendentesque id cuius gratiâ particula omittebatur, non compertum minus quam odiosum esse Patribus, plurimæque cunctis offensionis; cùm ex eo palam fieret, eorum esse consilium, ut procul haberetur quævis disputatio de mansione, aduersus priora promissa. Ad postremum caput fidenter responderunt Legati; Ab exitu contrarium compertum iri, cùm ipsis daturi essent operam, ut de mansione, ad suam fidem præstandam, ageretur. Verùm de articuli mutatione cùm ipsis nollent potissimum rationem reddere, neque pariter eiusmodi reddidere quam illis satisferet, simulantes id à se factum, propterea quod nemo hæreticorum inficiabatur, Episcoporum institutionem haberi ex lege Diuina; adeoque per illius rei damnationem iacula in auras proiectum iri. His reposuerunt illi Præsules, non deesse qui prauam illam sententiam tuerentur. Quare Legati ad moram iniiciendam, conuenere ut huiusmodi autores conquirerentur, & ostenderentur. Confestim filii Præsules rursus adiere Seripandum, quippe qui simul Theologiaz scientiam vni Osi communem obtinebat, & operam autoritatemque in deliberationibus longè maiorem quam Osius; nisique sunt illi ostendere, errorem illum ab hæreticis recentioribus adiecum

f. In monu-
mentis S-ri-
pandi, & in
epist. Vice-
com. ad Bor-
rom. 28.Se-
ptemb. 1562.

HISTORIÆ CONCILII TRIDENTINI Lib. 18. Cap. 12. 193

ðum fuisse reliquis contra Ecclesiæ Hierarchiam. At contrà Seripandus; Hæreticos in produc̄tis locis haud negare, gradum Episcopi fuisse institutum à Deo; solū dicere, Episcopos in præsen-
tia non eos esse de quibus loquuntur sacra Oracula, ut pote non exer-
centes ministeria illic ipsis destinata: quibus verbis fateri potius vi-
debantur Episcoporum institutionem à Deo habitam. Illud igitur
non esse studium proscribendi opinamenta hæreticorum, sed
quoddam artificium iterum indirectâ viâ tentandæ definitionis de
iure residendi, aduersus id quod Rex Catholicus suum esse sensum
ac votum declarauerat.

1562.

12. Quantum propensionis præ se tulerat Seripandus ad mansionis decisionem, tantumdem auersionis præ se ferebat aduersus hanc de institutione Episcoporum^g. Et quoniam ferebatur, tametsi non parum perturbatâ rei veritate, sicuti postea compertum est, fuisse eam definitionem satis expensam ætate Crescentij, adeoque iam in promptu ut promulgaretur, nisi bellum improvisò Concilium soluisset; Seripandus ad Amulum ea de re scribens animaduertit, in mansionis definitione de vno tanto articulo agi; at verò in altera definitione complures contineri: addiditque, posse cognosci, non solū Theologos ac Cœnobitas interdum implicari, sed præstan-
tes Canonum Doctores non semper diuinare: indicans id quod Romæ mussitatum fuerat, dum is cum Simonetta conferebatur in ante-
gressa disputatione de Iure residendi, & insinuans in alio articulo grauioris momenti, se Theologum ac Cœnobitam cautiorem fuisse Crescen-
tio, Canonum apprimè perito. Sed quamquam Seripandus & collegæ plurimum studuerint argumentum illud declinare, nec Pagnanus oscitanter operam suam cum Hispanis impenderit,
ne æmulationem excitarent; hinc tamen effectum non est quod mi-
nus aliquot Theologi, ac præsertim quidam Theologus Archiepi-
scopi Granatensis^h, capti ab articulo septimo opportunitate, in ⁱ Arcane
eam controuersiam de institutione Episcoporum irrepserint; & iam ^j Vice-
Drascouizius acriorem huius quam alterius definitionis volunta-
tem declarabat^k. Verùm Præsides, intelligentes, in duobus illis ca-
pitibus Patres eodem tendere, adeoque opus esse primum semel
componere, quippe radicem etiam alterius, cum Patribus, quibus
magis fidebant, deliberantes, tria consilia excogitarunt, quæ per
celerrimum cursorem Borromæo perscripserunt^l, quod responsum
acciperent antequam Patres omnes sententias de doctrina protu-
lissent, adeoque antequam ipi vgerentur à promisso ad rem exe-
quendam.

^g In epist. Se-
ripandi ad
Amulum,
8. Octobr. in-
ter Mulotti
monumenta.

^h Arcane
notæ Vice-
comitis ad
Borrom.
ⁱ 1. Octobris,
& epist. Ar-
chiep. Ia-
cobiensis, 5. O-
ctobr. 1562.
^j Epist. Vice-
com. ad Bor-
rom. 8. O-
ctobr. 1562.
^k 5. Octobris
1562.

Pars III.

B b

Vnum

1562.

Vnum ex consiliis erat, proponere ut in Pontifice negotium reponeretur, quemadmodum ipse Pontifex comprobarat in epistola commemorata, quam ad Simonettam scripsisset, sed quae nondum peruererat: in quo prædicebant quæ plurimos Episcopos confessuros; cum hoc tamen discrimine, quod alij existimabant integrum argumentum in Pontifice reponendum; alij, pro certo suientes definiendam esse questionem, solùm consentiebant, ut Pontificis iudicio committeretur definitio pro hac potius aut pro altera parte. Vnde coactus fuisse Pontifex per seipsum conficeret quod in Synodo prætermittendum curabat; idque eò deterius, quod ubi diuino ipse motus afflatus pro rei veritate declarasset, obligationem residendi imponi lege merè Ecclesiasticâ, huiusmodi declaratio, quæ à Concilio profecta optabilis visa fuisse, à Pontifice in eo rerum statu habita, parum decoris Apostolicæ Sedi, parum exempli fidelibus peperisset. Verum etiam si obtineretur, ut à Patribus res integra ex priori forma in Pontifice reponeretur, duo adhuc proponebantur à Legatis: Alterum, cum anteà Calicis negotium Pontifici commissum fuisse, peiorum in partem communiter acceptum iri, si hoc pariter eidem committeretur, videreturque Concilium ab omni arduo manum subtrahere, & cuiusdam canalis instar omnem grauioris ponderis deliberationem ab eo Romanum deferri: Alterum, huiusmodi Decretum offensurum ut minimum in quadraginta Episcoporum repugnantiam, quæ tametsi magni habita non fuerat in priori decisione, Pontifici committenda, videbatur tamen plurimi facienda in præsenti; tum quia haec erat secunda, tum ex ipsius argumenti natura, & ob rumores per Christianam Rempublicam amplè diffusos: præterquam quod Galli fortasse peruenturi essent ante Sessionem, adeoque ante firmata Decreta, & aduersariis accedentes, numero atque auctoritate non modicum ipsis robur addituri.

Alterum consilium erat, ut proponeretur in Concilio super mansione quædam constitutio, pœnis & emolumenis abundissima, & eiusmodi, quæ metu ac spe eius obseruationem pollicentur; atque inter pœnas optauissent aliqui, ut interdicerebatur non residentis absolutio in conscientiæ foro: sed in hoc consilio persistebat adhuc difficultas, an in eiusmodi lege proponenda simul explicandum esset, quod non amplius ad definitionem dogmatis procederetur; ea siquidem explicatio periculum comprehensioni procreabat; silentium vero utilitatem consilij corrumpebat.

Tertium erat, ut ingens Episcoporum numerus, hoc est supra centum,

centum, Legatos efflagitarent, vt ipsorum nomine rogarent Syno- 1562.
dum, ne grauaretur, ad amouendam perturbationem, discordiam,
& moras, totum negotium Pontifici remittere: quæ forma decen-
tior apparebat, quam si Legati propositionis autores secundum
primum consilium viderentur. Hæc tamen ipsis occurrebat diffi-
cultas, Patres extra numerum proponentium facile obstituros,
alios auerstatione sententiæ, alios technæ suspicione, & alios for-
tasse plus appetentes, quippe nobiliorem aduersarij quam affectæ
personam: quare maius potius schisma fieret, dum id resarcire
conarentur. Nimiam quippe vim habet ad augendam fui in alio
diffidentiam, data ab illo repulsa sibi per fidentiam aliquid petentis.

C A P V T X I I I .

*De tribus capitibus propositis sententia Pontificis. Varia iacti-
tata & cogitata de aduentu Gallorum. Contentio de loci præ-
rogativa inter Heluetium & Bauaricum Oratorem, rursus
ad aliquod tempus sedata.*

Iussit Pontifex celeriter ad Legatos rescribi*, Ex voto suo me-
lius eos astutos fuisse, solùm propriæ prudentiæ ductum fiden-
ter secutos: seu quod illos vellet obstringere ad rem suam pro-
mouendam eò prualido nobilium animorum vinculo, quod ipsis
inticuit, dum se solutos omni vinculo in maximis negotiis à suo
Principe sentiunt, seu quod reuerà sibi displiceret, emolumentum
illud ad rem perficiendam desperdi, quod iidem autores essent con-
siliij, iidemque executores. Adiecit, Quoniam suam illi senten-
tiam rogabant, eam esse huiusmodi; Susciperetur secundum con-
silium sancienda constitutionis, pœnas & præmia complectentis.
De conditione apponenda, ne dogma definiretur, nihil responde-
bat, cum fortasse vellet id ab ipsis peractum, non à se dictum. De-
clarabat quidem, ne absolutionis interdictio non residentibus ultra
noxam perduraret: sed proponebat insuper, vt iisdem anathema
solùm à Pontifice soluendum infligeretur. Itaque placere sibi, vt
omni studio Legati curarent rem propositam à majori Patrum par-
te accipiendam: quod vbi succederet, tametsi complures relucta-
rentur, de iis minimè laborarent, cum certum esset, maiorem acer-
bioremque repugnantiam futuram, vbi post tam inflamatam
euulgatamque correctionem dogma pro alterutra parte definiretur.
Quod si Legati de huiusmodi Decreti successu dubitarent ex pri-

* Litteræ
Borromæl
ad Legatos,
12. Octobris
1562. inter
monumenta
Scripandi.

B b 2

uata